

PRIJEDLOG

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 80. stav (2) i člana 116. Statuta Grada Zenica („Službene novine Grada Zenica“, broj 5/15) i člana 37. Poslovnika Gradskog vijeća („Službene novine Grada Zenica“, broj: 4/17, 6/19, 4/20 i 10/21), Gradsko vijeće Zenica, na sjednici održanoj-----, donijelo je

ODLUKU

o utvrđivanju naknade u vezi sa radom i angažmanom u savjetima mjesnih zajednica Grada Zenica za 2023.godinu

Član 1.

- (1) Ovom Odlukom utvrđuje se iznos i način isplate naknade za rad i angažman predsjednika i članova savjeta mjesnih zajednica Grada Zenica za 2023.godinu.
- (2) Pravo na naknadu za rad i angažman pripada i povjerenicima mjesnih zajednica koji su imenovani rješenjem Gradonačelnika.

Član 2.

Sredstva za isplatu naknade za rad i angažman predsjednika, povjerenika i članova savjeta mjesnih zajednica obezbjeđena su Budžetom Grada Zenica za 2023.godinu u iznosu od 74.000,00 KM.

Član 3.

- (1) U skladu sa raspoloživim budžetskim sredstvima iznos naknade za rad i angažman za 2023.godinu raspoređuje se kako slijedi:

-predsjednik i članovi Savjeta mjesne zajednice 1.026,80 KM ukupan neto iznos

-povjerenik mjesne zajednice 513,00 KM ukupan neto iznos

- (2) Isplata naknade iz prethodnog stava ovog člana izvršiće se u dva jednaka dijela i to prvi dio do 30.06.2023.godine a drugi dio do 31.12.2023.godine.

Član 4.

- (1) Pojedinačni iznosi naknade predsjednika i članova Savjeta mjesne zajednice utvrđuju se odlukom Savjeta Mjesne zajednice.
- (2) Odluku iz prethodnog stava ovog člana predsjednik Savjeta mjesne zajednice dužan je dostaviti gradskoj službi nadležnoj za poslove mjesnih zajednica u roku od 7 (sedam) dana od dana donošenja.
- (3) Ukoliko se u toku obračunskog perioda imenuje novi povjerenik mjesne zajednice obračun i isplata naknade iz člana 3. ove Odluke razrješenom i imenovanom povjereniku izvršit će se srazmjerno vremenu provedenom na toj funkciji.

Član 5.

- (1) U skladu sa ovom Odlukom i odlukama savjeta mjesnih zajednica, gradska služba nadležna za poslove mjesnih zajednica će sačiniti prijedlog akta o iznosima i načinu isplate pojedinačnih naknada za obračunski period.
- (2) Akt o iznosima i načinu isplate pojedinačnih naknada donosi Gradonačelnik.

Član 6.

Stupanjem na snagu ove Odluke prestaje da važi član 15. Odluke o organizaciji mjesne samouprave („Službene novine Općine Zenica“, broj 1/10)

Član 7.

Ova Odluka stupa na snagu prvog dana od dana objavljivanja u “Službenim novinama Grada Zenica”.

Broj:
Zenica,

PREDSJEDAVAJUĆI
GRADSKOG VIJEĆA ZENICA
Mirza Husetić

O b r a z l o ž e n j e

I PRAVNI OSNOV

Pravni osnov za donošenje ove Odluke sadržan je u odredbama člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, kojom je utvrđena nadležnost gradskog vijeća i člana 80. Statuta Grada Zenica („Službene novine Grada Zenica“, broj 15/15) kojom je propisano da predsjednik i članovi Savjeta mjesne zajednice imaju pravo na naknadu troškova u vezi sa radom i angažmanom u Savjetu što se utvrđuje odlukom Gradskog vijeća.

Član 116. Statuta Grada Zenica i član 37. Poslovnika Gradskog vijeća („Službene novine Grada Zenica“, bro: 4/17, 6/19, 4/20 i 10/21), utvrđuje nadležnost Gradskog vijeća za donošenje odluka.

II RAZLOZI ZA DONOŠENJE ODLUKE

Statutom Grada Zenica kao organi mjesne zajednice utvrđeni su Savjet mjesne zajednice i predsjednik mjesne zajednice (po funkciji predsjednik Savjeta mjesne zajednice) kao i da predsjednik i članovi Savjeta mjesne zajednice imaju pravo na naknadu troškova u vezi sa radom i angažmanom u Savjetu.

Budžetom Grada Zenica za 2023.godinu za naknadu troškova rada predstavnika mjesnih zajednica predviđena su sredstva u iznosu od 74.000 ,00 KM.

Zaključkom Gradskog vijeća broj:01-45-8906/23 od 26.04.2023.godine zadužena je Služba za vodoprivredu, putnu infrastrukturu i mjesne zajednice da pripremi prijedlog o izmjenama i dopunama Odluke o organizaciji mjesne samouprave koja će omogućiti valjan pravni osnov za naknadu troškova rada predsjednika mjesnih zajednica Grada Zenica

Ocjenjujući da nema osnova za realizaciju predmetnog zaključka , pošto je pravo na naknadu Statutom Grada Zenica utvrđeno ne samo za predsjednika nego i za članove Savjeta Mjesnih zajednica, pristupilo se izradi posebne odluke o utvrđivanju naknade za 2023.godinu, a u skladu sa raspoloživim budžetskim sredstvima za tu namjenu .

III PREDLOŽENA RJEŠENJA

Članom 1.Odluke propisan je sadržaj i utvrđeno da pravo na naknadu i pojerenika mjesnih zajednica koji su imenovani aktom Gradonačelnika.

Članom 2. utvrđen je iznos sredstava koji je Budžetom Grada Zenica za 2023.godinu oprijedjeljen za ovu namjenu.

Članom 3. utvrđen je ukupan neto iznos naknade za predsjednika i članove Savjeta mjesne zajednice i za povjerenika za 2023.godinu.Takođe je određen i obračunski period za isplatu naknade.

Članom 4. utvrđena je nadležnost Savjeta mjesne zajednice da svojim aktom izvrši raspodjelu utvrđene visine naknade između predsjednika i članova , kao i obaveza dostavljanja tog akta gradskoj službi nadležnoj za poslove mjesnih zajednica.Regulisan je i način obračuna i isplate naknade povjereniku ukoliko u toku obračunskog perioda dođe do razrješenja i imenovanja novog povjerenika.

Članom 5. propisan je postupak i nadležnost donošenja konačnog akta o isplati naknada za rad i angažman za 2023.godinu.

Članom 6. utvrđeno je da stupanjem na snagu ove Odluke prestaje da važi član 15.Odluke o organizaciji mjesne samoprave

Članom 7. utvrđeno je stupanje na snagu Odluke prvog dana od dana objavljivanja u Službenim novinama Grada Zenica.

IV FINANSIJSKA SREDSTVA

Za provođenje ove Odluke planirana su sredstva u Budžetu Grada Zenica za 2023.godinu na organizacionom kodu 61010001-Služba za vodoprivredu, putnu infrastrukturu i mjesne zajednice, ekonomski kod 613900, budžetska pozicija 257- Naknade troškova rada predstavnika MZ, u iznosu od 74.000,00 KM.

V OBRAZLOŽENJE POSTUPKA

Za donošenje ove Odluke nije ocijenjeno za potrebno provođenje javne rasprave zbog čega se ista podnosi u formi prijedloga.